

R " RTV ZENICA" d.o.o. Zenica	
Broj:	584/25
Datum:	22.04.2025

GODIŠNJI IZVJEŠTAJ

O RADU I POSLOVANJU

ZA 2024. GODINU



UVOD

JAVNO PREDUZEĆE RADIO - TELEVIZIJA ZENICA osnovano je 23. maja 1995. godine. Glavni cilj osnivanja je ostvarivanje prava stanovnika tada Općine, danas GRADA ZENICA na potpuno, pravovremeno, istinito i objektivno informisanje, te zadovoljavanje ostalih kulturnih i obrazovnih potreba. U sastav ovog javnog preduzeća ušlo je i dotadašnje preduzeće „Radio - Zenica“ d.d. Zenica.

Osnovna djelatnost JP RTV ZENICA je proizvodnja, prijenos i emitovanje radijskog i televizijskog programa, namijenjenog javnosti.

Radio i Televizija Zenica imaju status javnih stanica, što je regulisano i važećim dozvolama, a što konkretno podrazumijeva da moraju ispunjavati posebne programske zahtjeve, koje propisuje Regulatorna agencija za komunikacije Bosne i Hercegovine. Pored posebnih programskih zahtjeva, RTV ZENICA, kao javna stanica, podliježe i posebnim propisima i ograničenjima za emitovanje reklamnih sadržaja i plaćenog oglašavanja.

JAVNO PREDUZEĆE «RADIO TELEVIZIJA ZENICA» D.O.O. ZENICA je vlasnik Dozvole za RADIJSKO EMITOVANJE 041R koje se vrši putem zemaljske radiodifuzije do 31.12.2031. godine, te Dozvole za TELEVIZIJSKO EMITOVANJE 041TEKM koje se vrši putem drugih elektronskih komunikacijskih mreža do 31.12.2033. godine 05.12.2023. godine.

OSNOVNI PODACI

Vijeće Općine Zenica je, na svojoj sjednici održanoj dana 23. maja 1995. godine donijelo Odluku o osnivanju JAVNOG PREDUZEĆA RADIO-TELEVIZIJA ZENICA (u daljem tekstu: RTV ZENICA) broj: 01-30-35/95. Ovo javno preduzeće upisano je kod registra Višeg suda u Zenici dana 26.09.1995. godine, Rješenjem o upisu broj U/I-4697 kao Javno preduzeće „RTV ZENICA“ Zenica, za proizvodnju, prenos i emitovanje programa namijenjenog javnosti sa potpunom odgovornošću, sa sjedištem u Zenici u ulici Muhameda Seida Serdarevića broj 23.

U organizacionom smislu, JAVNO PREDUZEĆE RADIO-TELEVIZIJA ZENICA registrovano je kao društvo sa ograničenom odgovornošću, sa 67,5 odsto državnog i 32,5 odsto privatnog kapitala, a osnivači RTV ZENICE su Općina, odnosno Grad Zenica i mali udjeličari.

Skraćeni naziv firme je JP «RTV ZENICA» D.O.O. ZENICA, a zastupa je Adis Čolaković, vršilac dužnosti direktora i jedini član Uprave počev od 01.04.2025. godine do okončanja konkursne procedure.

Nadzorni odbor čine tri člana: Jadranka Tepić, kao predstavnik državnog kapitala iz nadležnosti Grada Zenica, Amar Isaković, kao predstavnik državnog kapitala iz nadležnosti Grada Zenica i Desanka Čutura, kao predstavnik grupe „malih udjeličara“ sa najmanje 5% udjela sa pravom glasa. Predsjednik Nadzornog odbora JP «RTV ZENICA» D.O.O. ZENICA je Jadranka Tepić.

Sjedište, odnosno Uprava RTV ZENICE se nalazi na adresi Bulevar Kralja Tvrtka I bb, na kojoj je koncentrisana i većina proizvodnje, prenosa i emitovanja programa.

Kontakt telefoni RTV ZENICE su: 032/ 449 202; 449 203; 449 204; 449 208; 449 210 i 449 211.

E-mail-ovi: info@rtvze.ba; knjigovodstvo@rtvze.ba marketing@rtvze.ba; tvurednik@rtvze.ba i direktor@rtvze.ba.

OSTVARIVANJE JAVNE FUNKCIJE I REALIZACIJA POSLOVA U 2024. GODINI

Osnovna djelatnost JP «RTV ZENICA» D.O.O. ZENICA je proizvodnja, prijenos i emitovanje radio i televizijskog programa, namijenjenog javnosti.

U 2024. godini JP «RTV ZENICA» D.O.O. ZENICA je ispunila svoju osnovnu funkciju, a to je pružanje audio i audio-vizuelnih usluga i online sadržaja od javnog interesa.

U programskom smislu, ovaj izvještajni period karakteriše samo održavanje postojećih programskih sadržaja na svim platformama RTV ZENICE. U programima i na sve tri platforme RTV ZENICE gledaoci su u 2024. godini, pored informativnih sadržaja, mogli da prate razne zabavno-muzičke sadržaje u HD rezuluciji. Neki od sadržaja koji su emitovani su snimci dijelova oficijelnog programa Zenica Summer Fest, zatim vrhunskog Ramazanskog programa, ali i javljanje novinara – reportera sa ulica našeg Grada za potrebe programa.

Najvažnije je istaći činjenicu da smo proteklu 2024. godinu završili pozitivnim poslovnim rezultatom.

BILJEŠKE UZ IZVJEŠTAJ O FINANSIJSKOM POSLOVANJU

U izvještajnom periodu 2024. godine JP «RTV ZENICA» D.O.O. ZENICA je ostvarilo POZITIVAN finasijski rezultat u iznosu od 9.334,00 KM.

Finansijski izvještaji Društva sačinjeni su po načelu historijskog troška. Računovodstvene politike dosljedno su primjenjivane u svim periodima predstavljenim u ovim finansijskim izvještajima i u skladu su s računovodstvenim politikama korištenim u prethodnoj godini. Prihodi od pruženih usluga priznaju se u Bilansu uspjeha po stepenu dovršenosti. Stepenn dovršenosti mjeri se kao odnos troškova nastalih do datuma bilansa i planiranih ukupnih troškova iz ugovora. Prihodi od prodaje iz ostalih aktivnosti priznaju se u bilansu uspjeha, isključujući PDV, u trenutku isporuke proizvoda kupcu, ispostavljena je faktura, koju kupac nije osporio. Iznos prihoda se može pouzdano izmjeriti na osnovu fakture, ugovora ili naplaćenog iznosa. Postoji vjerovatnoća, odnosno potpuna izvjesnost da će ekonomske koristi vezane za transakciju pritijecati u Društvo. Prihodi od prodaje ulaganja (stalnih sredstava) utvrđeni su kao razlika između postignute prodajne cijene ulaganja i knjigovodstvene vrijednosti ulaganja (stalnog sredstva). Prihodi od kamata su priznati na osnovu naplaćenog prihoda koji se odnosi na kamate. Rashodi su priznati u Bilansu uspjeha na osnovu direktne povezanosti između nastalih troškova i specifičnih stavki prihoda, po principu sučeljavanja prihoda i rashoda. Naprimjer, sve vrste troškova, odnosno rashoda, koji čine troškove nabavke prodatih usluga (cijena koštanja prodatih usluga), priznati su istodobno kao i prihodi od prodaje tih usluga. Priznavanje rashoda izvršeno je istodobno i sa priznavanjem povećanja obaveza ili smanjenja sredstava, bez obzira da li su plaćene ili ne. Prema tome, svi rashodi koji su nastali i koji se odnose na obračunski period, priznati su u Bilansu uspjeha, bez obzira da li se istovremeno radi i o odlivu gotovine ili ekvivaleta gotovine ili ne. Kamate pozajmljenih sredstava su priznate u iznosu koji se odnosi na iznos uplaćenih sredstava po osnovu kamata, a odnose se na godinu izvještavanja. Nematerijalna imovina se početno vodi po trošku ulaganja, te naknadno po trošku ulaganja umanjenom za akumuliranu amortizaciju i gubitke od umanjenja vrijednosti. Amortizacija se obračunava linearnom metodom tokom procijenjenog korisnog vijeka trajanja nematerijalne imovine. Materijalna imovina (nekretnine, postrojenja i oprema) iskazana je po nabavnoj vrijednosti umanjenoj za akumuliranu amortizaciju i umanjenja vrijednosti. Amortizacija se obračunava linearnom metodom tokom procijenjenog korisnog vijeka trajanja. Nabavna vrijednost/cijena koštanja usluga obuhvata sve troškove nabave, troškove proizvodnje i druge troškove koji su nastali u procesu

dovođenja usluga na sadašnju lokaciju i u sadašnje stanje. Zalihe sirovina i materijale, rezervnih dijelova, sitnog inventara, ambalaže i auto-guma vrednuju se po trošku (nabavnoj vrijednosti). Zalihe gotovih proizvoda u skladištu vrednuju se po cijeni koštanja. Zalihe trgovačke robe u veleprodaji vrednuju se po nabavnoj vrijednosti. Zalihe gotovih proizvoda i trgovačke robe u maloprodaji vrednuju se po prodanoj vrijednosti (bruto vrijednost), a trošak i neto vrijednost u Bilansu stanja ovih zaliha određuje se smanjenjem prodajne vrijednosti za odgovarajući postotak poreza i postotak bruto marže.

Svi finansijski izvještaji JP «RTV ZENICA» D.O.O. ZENICA, za obračunski period počev od 01.01.2024. godine do zaključno sa 31.12.2024. godine, u potpunosti su urađeni u skladu sa Zakon o računovodstvu i reviziji Federacije BiH, uz primjenu MRS i MSFI – Međunarodnih računovodstvenih standarda i Međunarodnih standarda finansijskog izvještavanja.

Finansijski izvještaj sačinjen je u cilju sagledavanja rezultata poslovanja ovog javnog preduzeća, kao i realizacije Finansijskog plana za 2024. godinu. Podaci u tabelama pripremljeni su i sistematizovani na bazi prihoda i rashoda za 2024. godinu, finansijske dokumentacije koja prezentira registrovane promjene u poslovanju za izvještajni period, pravilnika i zakonskih propisa i normativnih akata koji regulišu djelatnost rada medijskih kuća, MSFI-ovima, kao i ostale prateće dokumentacije u skladu sa Međunarodnim računovodstvenim standardima, koji regulišu ovu materiju.

PRIHODI

Ostvareni **NETO UKUPAN PRIHOD** prema bilansu uspjeha u periodu počev od 01.01.2024. godine do zaključno sa 31.12.2024. godine, iznosi: **1.620.064,00 KM**, što je u odnosu na isti period prethodne godine, **SMANJENJE** za 139.568,00 KM ili **7,9 %**.

U obračunskom periodu 2024. godine, **POSLOVNI PRIHODI** iznose **519.816,00 KM**, što je **32,1%** ukupnog prihoda.

U odnosu na isti period prethodne godine, ovi prihodi imaju **SMANJENJE** za 60.161,00 KM ili **10.4 %**. **RAZLOG** smanjenja poslovnih prihoda nastalo je zbog završetka IOM projekta koji je u 2023. godini iznosio 60.440,00 KM.

1. OSTALI PRIHODI I DOBICI (AOP 251)

U obračunskom periodu 2024. godine, najveći prihodi su Ostali prihodi i dobici (AOP 251), u iznosu od **1.100.245,00 KM**, što je **67,9%** ukupnog prihoda.

U odnosu na isti period prethodne godine, ovaj prihod ima **SMANJENJE** za 32.250,00 KM ili **2.8 %**.

Nema dodatnih objavljivanja, odnosno događaja poslije bilansiranja poslovne godine.

2. PRIHODI OD PRUŽENIH USLUGA NA DOMAĆEM TRŽIŠTU (AOP 209)

Na drugom mjestu po veličini su Prihodi od pruženih usluga na domaćem tržištu (AOP 209), u iznosu od **517.377,00 KM**, što je **31.9%** ukupnog prihoda.

U odnosu na isti period prethodne godine, ovaj prihod ima **SMANJENJE** za 62.600,00 KM ili **10.8 %**.

Nema dodatnih objavljivanja, odnosno događaja poslije bilansiranja poslovne godine.

3. PRIHODI OD PRODAJE ROBE POVEZANIM STRANAMA (AOP 203)

Na trećem mjestu po veličini su Prihodi od prodaje robe povezanim stranama (AOP 203), u iznosu od **2.439,00 KM**, što je **0.2%** ukupnog prihoda.

4. FINANSIJSKI RASHODI (AOP 247)

Na četvrtom mjestu su Finansijski rashodi (AOP 247), u iznosu od **3,00 KM**, što je **0%** ukupnog prihoda.

U odnosu na isti period prethodne godine, ovaj prihod ima **SMANJENJE** za 3.605,00 KM ili **99.9 %**.

RB	OPIS	Ostvarenje JANUAR - DECEMBAR 2022. godine	Ostvarenje JANUAR - DECEMBAR 2023. godine	Ostvarenje JANUAR - DECEMBAR 2024. godine	Procenat pada/rasta prihoda= ((4- 3)/3)*100 2022. u odnosu na 2021. godinu.	Procenat pada/rasta prihoda= ((5- 4)/4)*100 2023. u odnosu na 2022. godinu	% u prihodu 2022.
1	2	3	4	5	6	7	7
	A. PRIHODI						
1	Prihod od godišnjih ugovora	66230.00	67750.00	48396.00	2.30	-28.57	2.99
2	Prihod od raznih obavještenja i reklama, razni projekti	245821.00	244795.00	238831.44	-0.42	-2.44	14.74
3	Prihod od čestitki	11210.00	12640.00	8920.00	12.76	-29.43	0.55
4	Prihod od usluga trećim licima – prefakturisanje ma	12471.00	24816.00	14657.19	98.99	-40.94	0.90
5	Prihod od produkcije- spotovi, džinglovi i sl.	51386.00	68393.00	70802.57	33.10	3.52	-39.30
6	Prihodi od političkog oglašavanja	9063.00		2582.50	-100.00	100.00	
8	Prihod od nemarketingških usluga	4216.00	4440.00	4440.00	5.31	0.00	0.27
10	Prihodi od koprodukcijjskih ugovora	26380.00	30728.00	87227.44	16.48	183.87	5.38
11	Prihodi od vjerskih programa	39180.00	40265.00	23000.00	2.77	-42.88	1.42
12	Prihodi od IOM; ZSF; ZE-ADV vlastiti	44191.00	88740.00	20000.00	100.81	-77.46	1.23
I	PRIHODI OD USLUGA VLASTITE DJELATNOSTI	510148.00	582567.00	518857.14	14.20	-10.94	32.03
13	Prihodi od finansiranja Grada Zenica u novčanom obliku	380000.00	430000.00	430000.00	13.16	0.00	26.54
14	Prihodi od finansiranja ostalo	396000.00	552000.00	544597.97	39.39	-1.34	33.62
15	Prihodi od finansiranja za razne projekte	4000.00	5000.00	15000.00	25.00	200.00	0.93
16	Prihodi opd subvencija (ostale)	52340.00	50000.00	50000.00	-4.47	100.00	3.09
17	Prihodi ZDK razni projekti	0.00	38000.00		100.00	-100.00	0.00
II	JAVNI PRIHODI	832340.00	1075000.00	1039597.97	29.15	-3.29	64.17
18	Prihodi od donacija - amortizacioni dio oprema	47455.00	36946.00	35740.25	-22.15	-3.26	2.21
19	Prihodi od ukinutih rezervisanja rezervisanja	0.00	63000.00	12000.00	100.00	-80.95	0.74
20	Naplaćena otpisana potraživanja	2474.00	4887.00	11383.44	97.53	132.93	0.70
21	Prihodi od finansiranja zavoda za zapošljavanje	4334.00	16680.00	2502.37	284.86	-85.00	0.15
22	Prihodi – ostali poslovanja	1201.00	552.00	2.73	-54.04	-99.51	0.00
III	OSTALI POSLOVNI PRIHODI	55464.00	122065.00	61628.79	120.08	-49.51	3.80
	UKUPNI POSLOVNI PRIHOD (I+II)	1397952.00	1779632.00	1620083.90	27.30	-8.97	100.00

RASHODI

Ostvareni NETO UKUPNI RASHODI prema bilansu uspjeha u periodu počev od 01.01.2024. godine do zaključno sa 31.12.2024. godine, iznosi: 1.610.730,00 KM, što je u odnosu na isti period prethodne godine, SMANJENJE za 137.058,00 KM ili 7,8 %.

U obračunskom periodu 2024. godine, POSLOVNI RASHODI iznose 1.575.490,00 KM, što je 97,8% ukupnih rashoda.

U odnosu na isti period prethodne godine, ovi rashodi imaju SMANJENJE za 93.548,00 KM ili 5.6 %.

1) TROŠKOVI PLAĆA I OSTALIH LIČNIH PRIMANJA (AOP 258)

U obračunskom periodu 2024. godine, najveći rashodi su Troškovi plaća i ostalih ličnih primanja (AOP 258), u iznosu od 840.262,00 KM, što je 52,2% ukupnih rashoda.

U odnosu na isti period prethodne godine, ovaj rashod ima SMANJENJE za 74.920,00 KM ili 8.2 %.

Nema dodatnih objavljivanja - MSFI za MSS Odjeljak 5 Izvještaj o sveobuhvatnoj dobiti i Bilans uspjeha.

2) TROŠKOVI PRIMLJENIH USLUGA (AOP 269)

Na drugom mjestu po veličini su Troškovi primljenih usluga (AOP 269), u iznosu od 413.071,00 KM, što je 25.6% ukupnih rashoda.

U odnosu na isti period prethodne godine, ovaj rashod ima SMANJENJE za 72.863,00 KM ili 15 %.

3) AMORTIZACIJA (AOP 262)

Na trećem mjestu po veličini su Amortizacija (AOP 262), u iznosu od 230.016,00 KM, što je 14.3% ukupnih rashoda.

U odnosu na isti period prethodne godine, ovaj rashod ima POVEĆANJE za 61.170,00 KM ili 36.2 %.

4) OSTALI POSLOVNI RASHODI I TROŠKOVI (AOP 270)

Na četvrtom mjestu po veličini su Ostali poslovni rashodi i troškovi (AOP 270), u iznosu od 58.627,00 KM, što je 3.6% ukupnih rashoda.

U odnosu na isti period prethodne godine, ovaj rashod ima SMANJENJE za 8.468,00 KM ili 12.6 %.

5) TROŠKOVI ENERGIJE I GORIVA (AOP 257)

Troškovi energije i goriva (AOP 257), u iznosu od 22.240,00 KM, čine 1.4% ukupnih rashoda.

U odnosu na isti period prethodne godine, ovaj rashod ima SMANJENJE za 1.983,00 KM ili 8.2 %.

6) TROŠKOVI REZERVISANJA, NETO (AOP 298)

Troškovi rezervisanja, neto (AOP 298), u iznosu od 15.000,00 KM, su 0.9% ukupnih rashoda i odnose se na ukalkulisavanja troškova za tri radnika koja u toku naredne godine idu u starosnu penziju.

B. PREGLED UKUPNIH RASHODA (2022, 2023. i 2024.)

RB	OPIS	Ostvarenje JANUAR - DECEMBAR 2022. godine	Ostvarenje JANUAR - DECEMBAR 2023. godine	Ostvarenje JANUAR - DECEMBAR 2024. godine	Procenat pada/rasta rashoda= {(4- 3)/3}*100	Procenat pada/rasta rashoda= {(5- 4)/4}*100	% u rashodu 2022.
1	2	3	4	5	6	7	8
	RASHODI						
1	Troškovi kancelarijskog i materijala za održavanje higijene prostorija, nabavna vrijednost prodate robe	3855.00	6813.00	5103.38	76.73	-25.09	0.32
2	Troškovi električne energije	11462.00	10385.00	10164.84	-9.40	-2.12	0.63
3	Troškovi grijanja	8094.00	8972.00	8189.30	10.85	-8.72	0.51
4	Troškovi goriva	2856.00	4866.00	3885.85	70.38	-20.14	0.24
5	Troškovi otpisa inventara	2497.00		3839.80	-100.00	100.00	0.24
I	MATERIJALNI TROŠKOVI	28764.00	31036.00	31183.17	7.90	0.47	1.92
6	Troškovi neto plata	378111.00	426491.00	402324.46	12.80	-5.67	24.83
7	Porez na dohodak na neto plate	24921.00	30745.00	29349.47	23.37	-4.54	1.81
8	Doprinosi na osnovicu	190403.00	216731.00	209895.77	13.83	-3.15	12.96
9	Doprinosi iz osnovice	64491.00	73404.00	71093.56	13.82	-3.15	4.39
II	TROŠKOVI PLATA	657926.00	747371.00	712663.26	13.59	-4.64	43.99
10	Ostala primanja zaposlenih, topli obrok, otpremnine, pomoćim prijevoz i slično	113611.00	98915.00	113336.45	-12.94	14.58	7.00
11	Troškovi po osnovu tužbi radnika za ranije periode	0.00	47785.00	0.00	100.00	-100.00	0.00
III	TROŠKOVI OSTALIH PRIMANJA ZAPOSLENIH	113611.00	146700.00	113336.45	29.12	-22.74	7.00
12	Troškovi NO, bruto	12653.00	11563.00	9399.95	-8.61	-18.71	0.58
13	Troškovi naknada po ugovorima	428.00	8487.00	4862.49	1882.94	-42.71	0.30
IV	TROŠKOVI OSTALIH NAKNADA FIZ. LICIMA	13081.00	20050.00	14262.44	53.28	-28.87	0.88
	TROŠKOVI ZAPOSLENIH I NAKNADE	784618.00	914121.00	840262.15	16.51	-8.08	51.87
14	Troškovi održavanja i servisiranja	11498.00	12068.00	14307.42	4.96	18.56	0.88
15	Troškovi zakupa	14231.00	113.00	1008.06	-99.21	792.09	0.06
16	Troškovi zakupa ostalo	160.00	5000.00	1500.00	0.00	100.00	0.09
17	Advokatske usluge, notarske, knjigovodstvene	18768.00	14435.00	11743.99	-23.09	-18.64	0.72
18	Agencijske usluge i posredovanje	1815.00	17456.00	2076.41	861.76	-88.10	0.13
19	Komunalne i slične usluge	2507.00	1377.40	2433.00	-45.06	76.64	0.15
20	Troškovi reprezentacije	928.00	3456.00	8810.70	272.41	154.94	0.54
21	Smještaj učesnika u manif. i ugost. Usluge partnerir	4916.00	4032.00	5755.00	-17.98	42.73	0.36
22	Osiguranje opreme i registracije auta	4848.00	4329.00	1876.48	-10.71	-56.65	0.12
23	Troškovi platnog prometa	3825.00	6014.00	4095.07	57.23	-31.91	0.25
24	PTT, Telefonske, Telemach i slično	17756.00	17164.00	14970.13	-3.33	-12.78	0.92
25	KN, vatrogastvo, i slične takse	7495.00	9624.52	9463.95	28.41	-1.67	0.58
26	Naknada za CRA dozvole	9317.00	9025.00	9479.85	-3.13	5.04	0.59
27	Naknade za autorska prava AMUS, AIS, FONOGRAM	14829.00	8710.00	4126.90	-41.26	-52.62	0.25
28	Troškovi otkupa programa	0.00	37500.00	0.00	100.00	-100.00	0.00
29	Troškovi koprodukcije	46847.00	325205.00	328674.58	594.19	1.07	20.29
30	Zavisni troškovi koprodukcije	56555.00	60950.00	34649.30	0.00	0.00	2.14
31	Troškovi članarina, razni doprinosi i slično	1187.00	1256.00	1919.25	5.81	52.81	0.12
32	Troškovi amortizacije	229635.00	168846.00	230016.21	-26.47	36.23	14.20
33	Troškovi štampe, kopiranje i uvezraznih materijala	16537.00	5956.00	5825.00	-63.98	-2.20	0.36
34	Zaštitna oprema	503.00	100.00	788.00	-80.12	688.00	0.05
35	Dezinfekciona sredstva	409.00	320.00	561.93	-21.76	75.60	0.03
36	Materijal za projekat IOM	0.00	5965.00	0.00	100.00	-100.00	0.00
37	Ostali troškovi poslovanja	2650.00	3725.00	8566.22	40.57	129.97	0.53
38	Troškovi rezervisanja	63000.00	20000.00	15000.00	-68.25	-25.00	0.93
39	Troškovi seminara	1780.00	2103.00	1397.20	18.15	-33.56	0.09
40	Troškovi kamata, najmovi, tužbe i ostale kamate	9174.00	77901.00	12617.70	749.15	-83.80	0.78
41	Otpisi potraživanja i slično	12650.00	0.00	7642.52	-100.00	100.00	0.47
V	SVEGA RAZNI TROŠKOVI POSLOVANJA	553820.00	822630.92	739304.87	48.54	-10.13	45.63
	UKUPNI POSLOVNI RASHODI	1367202.00	1767787.92	1610750.19	29.30	-8.88	100.00
	UKUPNI POSLOVNI PRIMODI	1397952.00	1779632.00	1620083.90	27.30	-8.97	
	POSLOVNI REZULTAT	30750.00	11844.08	9333.71	385.17	527.62	

BILANS STANJA

DUGOROČNA IMOVINA

Nabavna vrijednost dugoročne imovine na dan 31.12.2024. godine, iznosi 2.506.746,00 KM, ispravka vrijednosti je 1.808.993,00 KM, što znači da je ova imovina amortizovana (otpisana) sa 72,2%, odnosno NETO sadašnja vrijednost iznosi **697.753,00 KM**, otkupljena autorska prava po osnovu ugovora o koprodukciji programa I ustupljena imovina na korištenje.

Amortizacija za obračunski period 2024. godine iznosi 230.016,00 KM.

Najveća NETO sadašnja vrijednost dugoročne imovine je na Koncesije, patenti, licence i druga prava (AOP 017) od **461.582,00 KM**, što je 66.2% ukupne dugoročne imovine.

U odnosu na stanje početkom godine, ova sredstva imaju SMANJENJE, za 203.171. KM ili 66.2 %.

KRATKOROČNA (OBRTNA) IMOVINA

Tekuća (*obrtna*) sredstva na dan 31.12.2024. godine, iznose **102.933,00 KM**, što je u odnosu na stanje 01.01.2024. godine, SMANJENJE, za 6.952,00 KM ili 6,3%. Prosječno korištena tekuća sredstva iznose 106.409,00 KM, imaju koeficijent obrtaja 15,22 i vrijeme vezivanja od 24 dana.

ZALIHE

Ukupne zalihe na dan 31.12.2024. godine iznose **8.381,00 KM**, što je u odnosu na stanje početkom godine POVEĆANJE za 8.246,00 KM ili 6,7 %, imaju koeficijent obrtaja 380,48 i vrijeme vezivanja od 1 dana.

Najveće zalihe su na poziciji Sirovine, materijal, rezervni dijelovi i sitan inventar (AOP 038), u iznosu od 144,00 KM, imaju koeficijent obrtaja 22500.89 i vrijeme vezivanja od 0 dana.

U odnosu na stanje početkom godine, ove zalihe imaju POVEĆANJE, za 144,00 KM ili 0 %.

KRATKOROČNA POTRAŽIVANJA I PLASMANI

Kratkoročna potraživanja i plasmani na dan 31.12.2024. godine iznose **94.552,00 KM**, što je u odnosu na stanje početkom godine SMANJENJE, za 15.198 KM ili 13,8 %, imaju koeficijent obrtaja 15,86 i vrijeme vezivanja od 23 dana.

Najveća potraživanja i plasmani su na poziciji Kupci u zemlji (AOP 047), u iznosu od 78.374,00 KM, imaju koeficijent obrtaja 20.2 i vrijeme vezivanja od 18 dana.

U odnosu na stanje početkom godine, ova potraživanja imaju SMANJENJE, za 3.630,00 KM ili 4.4 %.

GOTOVINA I EKVIVALENTI GOTOVINE

Iskazani iznos gotovine i ekvivalenata gotovine u bilansu stanja na dan 31.12.2024. godine, u iznosu 3.991,00 KM, je SMANJENJE za 27.168,00 KM ili 87,2 %, u odnosu na 01.01.2024. godine, ima koeficijent obrtaja 92,2 i vrijeme vezivanja od 4 dana.

KAPITAL

Ukupni kapital društva (vlastita sredstva) na dan 31.12.2024. godine, iznosi 227.582,00 KM, što je u odnosu na stanje početkom godine, **POVEĆANJE** za 9.335,00 KM ili 4,3 %.

Na dan 31.12.2024. godine, društvo je kapitalom (*vlastitim sredstvima*) **finansiralo** 28,3% raspoložive aktive.

Poželjno je da ovaj pokazatelj nije manji od 50%.

Vlasnički kapital evidentiran na AOP 102 iznosi 364.930,00 KM.

Najveća stavka u kapitalu nalazi se na poziciji **Udjeli članova društva sa ograničenom odgovornošću (AOP 104)**, u iznosu od: 364.930. KM.

U odnosu na stanje početkom godine, ova pozicija ima **POVEĆANJE**, za . KM ili 0 %.

Druga po veličini stavka u kapitalu nalazi se na poziciji **Dobit tekućeg perioda (AOP 117)**, u iznosu od: 9.334,00 KM.

U odnosu na stanje početkom godine, ova pozicija ima **SMANJENJE**, za 21.232. KM ili 69.5 %.

OBAVEZE (ZADUŽENOST)

Obaveze (*zaduženost*) Društva na dan 31.12.2024. godine, iznose 577.095,00 KM, što je u odnosu na stanje početkom godine **SMANJENJE** za 165.381,00 KM ili 22,3 %.

Na dan 31.12.2024. godine, Društvo je obavezama (tuđim sredstvima) **finansiralo** 71,7% raspoložive aktive.

Poželjno je da ovaj pokazatelj nije veći od 50%.

Najveće obaveze evidentirane su na poziciji **Kratkoročne ostale obaveze, uključujući i razgraničenja (AOP 147)**, u iznosu od 195.892,00 KM.

U odnosu na stanje početkom godine, ove obaveze imaju **POVEĆANJE**, za 3.120,00 KM ili 1.6 %.

Na drugom mjestu po veličini su obaveze iskazane na poziciji **Kratkoročne obaveze po uzetim kreditima (AOP 138)**, u iznosu od: 134.931,00 KM.

U odnosu na stanje početkom godine, ove obaveze imaju **POVEĆANJE**, za 17.262,00 KM ili 14.7 %.

Na trećem mjestu su obaveze evidentirane na poziciji **Dugoročni odgođeni prihod (AOP 130)**, u iznosu od 129.646,00 KM.

U odnosu na stanje početkom godine, ove obaveze imaju **SMANJENJE**, za 35.379,00 KM ili 21.4 %. Zatim sljede Obaveze prema dobavljačima (AOP 136), u iznosu od 61.847,00 KM.

U odnosu na stanje početkom godine, ove obaveze imaju **SMANJENJE**, za 75.209,00 KM ili 54.9 %.

POKAZATELJI ANALIZE FINANSIJSKIH IZVJEŠTAJA

Pokazatelji likvidnosti

Stopa **TEKUĆE** likvidnosti = (tekuća imovina / kratkoročne obaveze) x 100 = 26.6%.

Na dan 31.12.2024. godine za plaćanje svakih 100 KM kratkoročnih obaveza, preduzeće je imalo 26,6 KM tekućih sredstava, 01.01.2024. godine, za ovu namjenu imalo je 29,29 KM tekućih sredstava. Ovaj pokazatelj je **SMANJEN** u odnosu na prošlu godinu za 9.2%.

Stopa **UBRZANE** likvidnosti = ((novac + potraživanja) / kratkoročne obaveze) x 100 = 25.1%.

Na dan 31.12.2024. godine za plaćanje svakih 100 KM kratkoročni obaveza, preduzeće ima 25,07 KM novčanih sredstava i potraživanja, 31.12.2023. godine, za ovu namjenu imalo je 29,26 KM novčanih sredstava i potraživanja. Ovaj pokazatelj je **SMANJEN** u odnosu na prošlu godinu za 14.3%.

Stopa **TRENTNE** likvidnosti = (novac / kratkoročne obaveze) x 100 = 1%.

Na dan 31.12.2024. godine za plaćanje svakih 100 KM kratkoročnih obaveza, preduzeće ima 0,99 KM novčanih sredstava 31.12.2023. godine, za ovu namjenu imalo je na raspolaganju 6,47 KM u novčanim sredstvima. Ovaj pokazatelj je **SMANJEN** u odnosu na prošlu godinu za 84.7%.

Pokazatelji zaduženosti

Stopa zaduženosti = (ukupne obaveze / ukupna poslovna imovina) x 100 = 71.7%.

Na dan 31.12.2024. godine, ukupna imovina finansirana je iz tuđih sredstava sa 71,72% ili sa 577.095,00 KM. Dana, 01.01.2024. godine, zaduženost je bila 77,28%. Ovaj pokazatelj je **SMANJEN** u odnosu na prošlu godinu za 7.2%.

Pokazatelji vlastitog finansiranja

Stopa vlastitog finansiranja = (kapital / ukupna imovina) x 100 = 28.3%.

Na dan 31.12.2024. godine, ukupna imovina finansirana je iz **vlastitih** sredstava sa **28,28%** ili sa 227.582,00 KM. Dana, 31.12.2023. godine, vlastito finansiranje je bila 22,72%. Ovaj pokazatelj je **POVEĆAN** u odnosu na prošlu godinu za 24.5%.

Pokazatelji ekonomičnosti

Stopa ekonomičnosti = (ukupan prihod / ukupni rashodi) x 100 = 100.6%.

U 2024. godini, za svakih 100 KM **rashoda**, preduzeće ostvari 100,58 KM **prihoda**. U istom periodu prošle godine, za svakih 100 KM rashoda ostvarilo je 100,68 KM prihoda. Ovaj pokazatelj je **SMANJEN** u odnosu na prošlu godinu za 0.1%.

Stopa ekonomičnosti prodaje = (poslovni prihodi / poslovni rashodi) x 100 = 33%.

U 2024. godini, za svakih 100 KM **poslovnih rashoda**, preduzeće ostvari 32,99 KM **poslovnih prihoda**. U istom periodu prošle godine, za svakih 100 KM poslovnih rashoda ostvarilo je 34,75 KM poslovnih prihoda. Ovaj pokazatelj je **SMANJEN** u odnosu na prošlu godinu za 5.1%.

Pokazatelji profitabilnosti

Bruto marža profita (gubitak) = (bruto dobit (gubitak) / ukupan prihod) x 100 = 0.6%.

U 2024. godini, za svakih 100 KM **ukupnog prihoda**, preduzeće ostvari 0,58 KM **bruto dobiti (gubitka)**. U istom periodu prošle godine, za svakih 100 KM **ukupnog prihoda** ostvarilo je 0,67 KM **bruto dobiti (gubitka)**. Ovaj pokazatelj je **SMANJEN** u odnosu na prošlu godinu za 14.4%.

Prosječan broj zaposlenih

Prosječan broj zaposlenih u periodu 01.01.2024. do 31.12.2024. godini, na bazi sati rada je 33, a u istom periodu prošle godine bilo je 28 zaposlenih.

Sumnjiva i sporna potraživanja

Na dan 31.12.2024. godine nije bilo sumljivih i spornih kratkoročnih potraživanja.

Nema finansijskih obaveza, garancija ili nepredviđenih izdataka koji nisu uključeni u Bilans stanja.

O POSLOVANJU 2024. GODINE IZ IZVJEŠTAJA OVLAŠTENOG REVIZORA

Izveštaj o ukupnom rezultatu za godinu završenu 31. decembra 2024. godine

OPIS	Napomena	2024.	2023.
Prihodi iz ugovora s kupcima	3	519.816	579.977
Ostali prihodi i dobici	4	1.100.248	1.179.655
Ukupno prihodi		1.620.064	1.759.632
Poslovni rashodi	5	1.575.490	1.669.038
Ostali rashodi i gubici	6	35.240	78.750
Ukupno rashodi		1.610.730	1.747.788
Dobit/(gubitak) iz redovnog poslovanja		9.334	11.844
Porez na dobit	7	0	0
Dobit/(Gubitak)		9.334	11.844
Ostali ukupni rezultat		0	0
UKUPNI REZULTAT		9.334	11.844

Finansijski izvještaji Društva su pripremljeni u skladu sa Međunarodnim standardima za finansijsko izvještavanje.

Društvo ima evidentirano u poslovnim knjigama tuđe zemljište u iznosu od 22.884 KM i građevinske objekte u iznosu od 193.541 KM za koje nema vlasničku dokumentaciju. Osim toga iskazani su odgođeni prihodi u iznosu od 129.645 KM čije je evidentiranje povezano sa građevinskim objektima koje Društvo koristi u smislu MRS 20- Računovodstvo državnih bespovratnih davanja i objavljivanje državne pomoći. Prema MRS 20. tačka 8. Državno bespovratno davanje se ne priznaje sve dok ne postoji razumno uvjerenje da će se subjekt pridržavati uslova povezanih s tim davanjem i da će to davanje biti primljeno. Dakle, potrebno je regulisati pitanje vlasništva, odnosno uslove korištenja navedene imovine. Navedene pozicije nemaju uticaja na finansijski rezultat s obzirom da se u skladu sa MRS 20 sučeljavaju odloženi prihodi i troškovi amortizacije.

Nije bilo događaja između datuma bilansa i datuma odobrenja ovih finansijskih izvještaja koji bi mogli imati uticaj na prezentirane finansijske izvještaje.

Finansijske izvještaje usvojila je Uprava i odobrila njihovo izdavanje dana 24.02.2025. godine.

MIŠLJENJE S REZERVOM

Izvršili smo reviziju priloženih finansijskih izvještaja JP "RADIO I TELEVIZIJA ZENICA" d.o.o. Zenica (u daljem tekstu: „Društvo“) koji se sastoje od bilansa stanja na dan 31. decembra 2024. godine, bilansa uspjeha Društva za godinu koja se završava na taj dan, te bilješki uz finansijske izvještaje uključujući i sažetak prikaza značajnih računovodstvenih politika i drugih napomena.

Po našem mišljenju, osim mogućih efekata opisanih u paragrafu "Osnova za mišljenje sa rezervom" priloženi finansijski izvještaji prikazuju istinito i fer prezentuju u svim značajnim odrednicama finansijski položaj Društva na dan 31. decembra 2024. godine, te rezultate njegovog poslovanja za godinu koja se završava na taj dan u skladu sa Međunarodnim standardima finansijskog izvještavanja (MSFI).

Osnova za mišljenje s rezervom

Društvo ima evidentirano u poslovnim knjigama zemljište u iznosu od 22.884 KM i građevinske objekte u iznosu od 193.541 KM za koje nema vlasničku dokumentaciju. Osim toga iskazani su odgođeni prihodi u iznosu od 129.645 KM čije je evidentiranje povezano sa građevinskim objektima koje Društvo koristi u smislu MRS 20- Računovodstvo državnih bespovratnih davanja i objavljivanje državne pomoći. Prema MRS 20. tačka 8. Državno bespovratno davanje se ne priznaje sve dok ne postoji razumno uvjerenje da će se subjekt pridržavati uslova povezanih s tim davanjem i da će to davanje biti primljeno. Dakle, potrebno je regulisati pitanje vlasništva, odnosno uslove korištenja navedene imovine. Navedene pozicije nemaju uticaja na finansijski rezultat s obzirom da se u skladu sa MRS 20 sučeljavaju odloženi prihodi i troškovi amortizacije.

PROIZVODNJA, PRIJENOS I EMITOVANJE PROGRAMA

UKRATKO O ORGANIZACIONOJ JEDINICI

Ova organizaciona jedinica raspolaže sa ukupno 25 uposlenika i to: osam (8) novinara, pet (5) reportera, tri (3) A-V tehničara, tri (3) snimatelja, jednog (1) operatora, dva (2) arhivara, jednog (1) tehničara, jednog (1) elektrotehničara za sistem tv prijenosa i jednog (1) montera radio-televizijske elektronike. Mjesto šefa tehnike i glavnog i odgovornog urednika u ovoj organizacionoj jedinici je ostalo upražnjeno do pronalaženja adekvatnog kadrovskog rješenja za ova radna mjesta.

Organizacionu jedinicu za administrativno-tehničku podršku u radu Uprave čini ukupno sedam (7) uposlenika, i to: Sekretar Društva (1), Certificirani računovođa/službenik za javne nabavke (1), Marketing planer (1), Administrator (1), Referent „za prodaju malih oglasa“ (1), Vozač (1) i Čistačica (1).

DOZVOLA ZA EMITOVANJE PROGRAMA

Regulatorna agencija za komunikacije Bosne i Hercegovine (RAK) obavijestila je sve javne i privatne emitere u Bosni i Hercegovini da se, zaključno sa 31.12.2021. godine, gase svi predajnici koji emituju analogni TV signal, a zbog uvođenja 5G pristupne mreže. Od 01. jula do 31. decembra 2021. godine, sukcesivno su se gasili analogni predajnici koje koriste TV stanice u BiH. Obaveza Regulatorne agencije za komunikacije Bosne i Hercegovine, prema Zakonu o komunikacijama i ratifikovanim međunarodnim sporazumima, je međunarodna koordinacija frekventnih resursa i tehnički monitoring spektra, kao i upravljanje i nadzor nad radio-frekventnim spektrom BiH kao nacionalnim resursom, kroz koordinaciju sa regulatornim administracijama u regionu, Evropi i svijetu. RAK je dužan da, po međunarodno usaglašenoj i važećoj proceduri, uklanja štetne smetnje koje nastaju u susjednim zemljama zbog djelovanja predajnika iz Bosne i Hercegovine i ne postoji bilo kakva alternativa ovoj aktivnosti koja je obavezujuća za sva regulatorna tijela u svijetu, prema standardima i propisima Međunarodne unije za telekomunikacije (ITU). Isto se odnosi i na smetnje iz susjednih zemalja koje uzrokuju probleme na teritoriji naše države. RAK je blagovremeno informisao asocijacije/udruženja nosilaca dozvola, i obratio se pojedinačno svim nosiocima dozvola za distribuciju audiovizuelnih medijskih usluga i medijskih usluga radija, podsjetivši tako sve medije na obavezu poštivanja člana 9. stav (4) Pravila 79/2016 o dozvolama za distribuciju audiovizuelnih medijskih usluga i medijskih usluga radija („Službeni glasnik BiH“, broj 78/16). Odredbe ovog člana u praksi znače da će Agencija osigurati da svaki nosilac dozvole za TV emitovanje na zemaljskoj mreži u BiH ostvari pravo na distribuciju signala do jednog od kablovskih operatora, odnosno do distributivnog čvorišta, čime se osigurava kontinuitet emitovanja signala i programa, do trenutka kada počnu sa radom digitalni multipleksi na teritoriji Bosne i Hercegovine.

Regulatorna agencija za komunikacije Bosne i Hercegovine objavila je prvi „Javni poziv za dostavljanje zahtjeva pružalaca audiovizualnih medijskih usluga (AVM) za pristup otvorenom Multipleksu D“ – 16.12.2021. godine, u svih devet digitalnih regija za pokrivenost digitalnim televizijskim signalom. Zahtjev za pristup otvorenom Multipleksu D mogli su podnijeti svi pružatelji audiovizuelnih medijskih usluga kojima je RAK izdao dozvolu za televizijsko emitovanje, koje se vrši putem zemaljske radiodifuzije i dozvolu za televizijsko emitovanje koje se vrši putem drugih elektronskih komunikacijskih mreža. Rok za dostavu zahtjeva je istekao 24.12.2021. godine.

Naknada za emitovanje u svim regijama, propisana ovim javnim pozivom, za SD TV signal iznosila je 26.416,00 KM mjesečno, a za HD TV signal 65.463,00 KM mjesečno. Nakon ovog poziva, RAK je, kako je bilo najavljeno, trebao objaviti i javni poziv za pojedinačne regije u 2022. godini, međutim do toga nije došlo.

Interesantna regija za digitalno zemaljsko emitovanje televizijskog signala, u našem konkretnom slučaju, svakako je regija Vlačić, koja teritorijalno pokriva područje interesovanja JP RTV ZENICA i više od 700.000 potencijalnih gledalaca. Predviđena naknada za distribuciju na ovu regiju je, prema cjenovniku, 5.396,00 KM/mjesečno za SDTV kvalitet signala, odnosno 13.372,00 KM/mjesečno za HD TV signal.

JAVNO PREDUZEĆE «RADIO TELEVIZIJA ZENICA» D.O.O. ZENICA je vlasnik Dozvole za RADIJSKO EMITOVANJE 041R koje se vrši putem zemaljske radiodifuzije do 31.12.2031. godine, te Dozvole za TELEVIZIJSKO EMITOVANJE 041TEKM koje se vrši putem drugih elektronskih komunikacijskih mreža do 31.12.2033. godine 05.12.2023. godine.

TEHNIČKA REALIZACIJA FESTIVALA

U 2024. godini JP «RTV ZENICA» D.O.O. ZENICA je ponovo bila tehnički realizator i nosilac organizacije dva festivala – ljetnog – Zenica Summer Fest i zimskog – Zenica Adventure, čiji je glavni organizator i pokrovitelj Grad Zenica, odnosno Gradska uprava.

Prijenosi uživo, snimci koncerata, festivalske reportaže i hronike, ali i direktna gostovanja estradnih i drugih zvijezda u programima i na sve tri platforme RTV ZENICA, svakako su benefit sam po sebi za ovo javno preduzeće, ali bi se, s obzirom na ogroman posao i angažman svih zaposlenih, posebno u Organizacionoj jedinici za proizvodnju programa, koji tokom oba festivala imaju i po 16 sati dnevnog rada, definitivno trebala uraditi ozbiljna analiza po pitanju buduće organizacije i realizacije ovako velikih projekata, koji su, činjenica, ogroman „zalogaj“ za ovako malo preduzeće i kolektiv.

RADIO ZENICA

Program Radio Zenice u 2024. godini realizovan je na principima i pozitivnoj praksi iz prethodnih godina. Zadržana je programska shema iz prethodne godine, radijsko-televizijskog karaktera jutarnjeg programa, prilagođena i slušaocima i gledaocima istovremeno, u okviru kojeg su emitovani sadržaji svih kategorija informativne, dijaloške, obrazovno-edukativne, vjerske, sportske i dječije emisije, ankete, telefonski razgovori, realizovana su gostovanja itd. U ovom terminu i programskom segmentu zadovoljene su i standardne obaveze televizijskog programa, koje proizilaze iz dozvole za emitovanje programa.

Zadržan je sistem rada po principu „one man show-a“.

Radio Zenica je, u godini koju obuhvata ovaj izvještajni period, obilježio 55 godina postojanja i rada.

TELEVIZIJA ZENICA

Posmatrano iz ugla osnivača, ali i konzumenata naših usluga, Televizija Zenica je, i dalje, primarna i najvažnija platforma ove medijske kuće. U segmentu rada ove platforme, u Organizacionoj jedinici za proizvodnju programa zadovoljene su standardne obaveze, uz poštivanje osnovnih postulata novinarstva i funkcionisanja jednog ovakvog lokalnog medijskog servisa građana, čiji su kapaciteti i domen ograničeni. Zadržan je sistem rada po principu redakcijskog planiranja dnevnih i periodičnih obaveza i programskih sadržaja.

Televizija Zenica je, u godini koju obuhvata ovaj izvještajni period, obilježila 29 godina postojanja i rada.

I ovdje, kao i u programu Radija Zenice, za bilo kakav iskorak u programskom smislu, neophodno je otkloniti već poznate probleme i nedostatke po pitanju kadrova, ali i tehničke opreme, te prostornih kapaciteta.

WEB PORTAL „www.zenicainfo.ba“

S obzirom na činjenicu da internet postaje sve prisutniji u svakodnevnom životu građana, postaje najčešći kanal za slanje i prijem informacija, nameće se i diktira nove pristupe i načine rada, pa i u smislu bržeg i dinamičnijeg plasiranja informacija, lakše dostupnosti sadržajima, izazovima modernog doba, zahtjevima čitalaca, gledalaca i slušalaca, RTV ZENICE se, strateški opredijelila da napravi preokret u radu i plasiranju informacija u odnosu na dosadašnju praksu, u smislu usklađenosti sa novim tehnologijama i trendovima. Strateškim planom, predviđeno je da WEB PORTAL ovog javnog preduzeća bude osnova za emitovanje televizijskih i radijskih sadržaja odnosno da vijest koja bude objavljena na online platformi, kao takva, ima mogućnost oblikovanja i formulisanja za objave na Radiju i Televiziju, koje su, već po

defaultu, višestruko sporije medijske platforme, samim tim što zahtijevaju ogromne predradnje i pripreme sadržaja prije same objave.

Prema zvaničnim statističkim podacima Google Analytics-a, „www.zenicainfo.ba“, portal JP «RTV ZENICA» D.O.O. ZENICA i dalje je jedan od najutjecajnijih i najčitanijih u regiji Srednje Bosne, pogotovo u Zenici i Zeničko-dobojskom kantonu. Konstantan rast pratilaca je usporen, što vjerovatno leži u činjenici i opredijeljenju ovog lokalnog medija da preferira informacije i objave vezane za Zenicu, pa je ovaj portal manje atraktivan i interesantan čitaocima kojima sfera interesovanja nisu zbivanja isključivo u našem gradu. To je i donekle i opravdano, jer je RTV ZENICA i osnovana kao gradski servis, i svakako je prioritet informisanje građana Zenice.

Kada je u pitanju zvanični nalog – account na društvenoj mreži Facebook, „zenicainfo.ba“, stranicu prati oko 57 hiljada korisnika, sa stalnom tendencijom rasta. Prema analitici Facebook-a, doseg objava bio je preko 700 hiljada korisnika, sa skoro 300 hiljada zabilježenih angažmana korisnika/pratitelja.

UNAPREĐENJE PROGRAMA

Potreba za unapređenjem programa je konstantna, bez obzira od koga takvi zahtjevi dolazili. Međutim, svaka priča, plan ili pokušaj unapređenja i kreiranja kvalitetnijih programskih sadržaja od dosadašnjih, ovisi isključivo od nekoliko ključnih faktora. To su, prije svih, kadrovski resursi, tehnička opremljenost, adekvatniji prostorni kapaciteti i finansijska podrška, prije svega našeg Osnivača. Kad su u pitanju ljudski potencijali, sve nas je manje, starosna dob većine uposlenika je 50+, što itekako negativno utječe na osmišljavanje, kreiranje i realizaciju kvalitetnijih programskih sadržaja.

Već je nekoliko puta istaknuto da Televizija zahtijeva nova lica, nove ideje, kreativnost, timski rad, angažman i „van radnog vremena“, a kod nas je sve to izražen problem i nedostatak. Dodatno je usložen činjenicom da su učestala odsustva i ovo malo uposlenika što imamo, po raznim osnovama.

O RADU UPRAVE DRUŠTVA

Krajem 2024. godine Odlukom Nadzornog odbora, broj: 1014/24 od 08.11.2024. godine, prije isteka mandata na koji je imenovan, Nandino Škrbić **razrješen** je dužnosti direktora JP «RTV ZENICA» D.O.O. ZENICA.

Na poziciju direktora Društva u četvorogodišnjem mandatu imenovan je Dino Pašalić Odlukom, broj: 1051/24 od 02.12.2024. godine. Nakon nepuna 4 mjeseca Dino Pašalić je **razrješen** dužnosti direktora JP «RTV ZENICA» D.O.O. ZENICA prije isteka mandata na koji je imenovan, Odlukom Nadzornog odbora, broj: 449/25 od 25.03.2025. godine.

Odlukom Nadzornog odbora, broj: 450/25 od 25.03.2025. godine za vršioca dužnosti direktora JP «RTV ZENICA» D.O.O. ZENICA iz reda stručnih radnika zaposlenih u Društvu **imenovan** je Adis Čolaković, počev od 01.04.2025. godine do okončanja konkursne procedure.

Dugogodišnji problem, praktično od osnivanja ovog javnog preduzeća, je neuslovnost prostorija, odnosno poslovanje na dvije lokacije, u neadekvatnim i neuslovnim i potpuno nenamjenskim prostorijama za obavljanje osnovne djelatnosti što ujedno i otežava i poskupljuje rad. Na ovom problemu već smo imali spremna rješenja, međutim, još nikad nismo u potpunosti realizovali ovaj, od iznimne važnosti za funkcionisanje ovog javnog preduzeća, projekat.

Pored ovog, još jedan, ne manje bitan problem, svakako je i rad sa improvizovanom tehnikom, koja je gotovo ručni rad i sve, samo ne profesionalna broadcast oprema. Pomoću modifikovanih linkova i antena, mi posljednjih nekoliko godina, srećom veoma uspješno, radimo sve direktne televizijske prijenose.

U skladu sa planiranim programskim ciljevima, u narednom periodu, intenzivno ćemo raditi na:

- podizanju kvaliteta i reafirmaciji programa, imajući u vidu istinito, blagovremeno i objektivno informisanje o svim lokalnim događajima;
- stvaranju i širenju obima proizvodnje vlastitog radijskog i televizijskog programa i produkcije;
- obezbjeđenju većeg dijela sredstava van redovnih i ustaljenih tokova prihoda, te
- zapošljavanju i edukaciji novih mladih kadrova, gdje ćemo posebno voditi računa o osjetljivim kategorijama društva.

Kad su u pitanju konkretni zadaci i ciljevi koje ćemo realizovati tokom ove godine, posebno izdvajamo sljedeće:

- Naš online medij, odnosno web portal – ZENICAINFO.BA, kao budućnost u radu medija, bit će okosnica razvoja i glavni izvor vijesti za naše druge dvije platforme – Radio i Televiziju;
- Osvježiti ćemo program Radio Zenice, uvesti nove sadržaje, emisije;
- Napraviti ćemo moderniji, sadržajni i kvalitetniji jutarnji program radija, ali i, koliko uslovi i finansijske mogućnosti budu dozvoljavale, posebno i jutarnji program Televizije;
- Nastaviti ćemo s praksom prijenosa različitih programa i programskih sadržaja uživo;
- Nastaviti ćemo saradnju sa svjetskom filmskom industrijom na podizanju kvaliteta i kvantiteta filmskog i serijskog programa RTV ZENICA;
- Nastaviti ćemo realizaciju manifestacija Zenica Summer Fest i Zenica Adventure, koja su nam, pored toga što obraduju i razvesele stotine hiljada posjetilaca na Trgu i na gradskim ulicama, donijele stotine sati programa iz vlastite produkcije, što je ravno poduhvatu i
- "Zenička misija - biznis vizija" priče iz privredno-poslovnih zona Grada Zenice (ISjeverna privredno-poslovna zona koja obuhvata: Arcelor Mittal Željezara, Radna zona I, Šljivik, Direkcija Željezare, Rudnik sa Upravom ZD RMU i Separacijom uglja, Podbrežje (dio), Brist (dio), Kanal, Preporod, „Zenica-Sjever“, II Južna privredno-poslovna zona obuhvata podzone: - Raspotočje, - Bilimišće, - Radakovo, III Jugoistočna privredno-poslovna zona koja obuhvata: - Drivuša-Metalno, - Perin Han, - Drivuša, - Zenica-Jug, Nemila (centar), Pečuj, Stranjani rudnik, Almy – Lipice.

O RADU NADZORNOG ODBORA

Nadzorni odbor JP «RTV ZENICA» D.O.O. ZENICA čine tri člana: Jadranka Tepić, predsjednik, Amar Isaković, član i Desanka Čutura, član Nadzornog odbora, koji su imenovani 26.03.2024. godine na period od četiri godine.

INFORMACIJA O RADU NADZORNOG ODBORA JP RTV ZENICA

Nadzorni odbor Javnog preduzeća JP «RTV ZENICA» D.O.O. ZENICA je svoju funkciju ostvarivao u skladu sa Zakonom o privrednim društvima, Zakonom o javnim preduzećima u FBiH, Statutom i drugim normativnim aktima Društva.

Tokom 2024. godine, Nadzorni odbor održao je ukupno pet sjednica, tokom kojih su razmatrani i usvajani izvještaji, razmatrano finansijsko stanje i poslovanje Društva, razmatrano i raspravljano o aktuelnoj problematiki. Nadzorni odbor je, u skladu sa svojim nadležnostima, davao suglasnost na potpisivanje kompenzacija, te razmatrao i druge akte i dopise koji su dolazili tokom godine na adresu Nadzornog odbora ovog javnog preduzeća.

NADLEŽNOSTI NADZORNOG ODBORA

Nadležnosti Nadzornog odbora, utvrđene su Zakonom i Statutom Javnog preduzeća JP «RTV ZENICA» D.O.O. ZENICA i to kako slijedi:

- nadzire rad Uprave Društva,
- nadzire poslovanje Društva;
- priprema poslovnike i predlaže ih Skupštini;
- priprema etički kodeks i predlaže ga Skupštini;

- vrši izbor kandidata Odbora za reviziju i podnosi prijedlog za njegovo imenovanje Skupštini;
- razmatra provedbeni propis za postupak nabavki i nadzire njegovo provođenje;
- daje mišljenje skupštini o prijedlogu Uprave za raspodjelu profita;
- predlaže način pokrića gubitka;
- imenuje i razrješava članove Uprave u skladu sa postupcima utvrđenim poslovnikom te važećim propisima;
- daje ovlaštenja za aktivnosti koje su ograničene propisima Zakona o javnim preduzećima;
- daje upute direktoru za provođenje uviđaja u vezi sa uočenim nepravilnostima;
- usvaja izvještaj Uprave o poslovanju po polugodišnjem i godišnjem obračunu, sa bilansom stanja i bilansom uspjeha i izvještajem revizije;
- podnosi skupštini godišnji izvještaj o poslovanju Društva, koji obavezno uključuje izvještaj revizora, izvještaj o radu Nadzornog odbora i odbora za reviziju, i plan poslovanja za narednu poslovnu godinu u okvirima postojećeg plana i revidiranog plana;
- odobrava kupovinu, prodaju, zamjenu, uzimanje u lizing i druge transakcije s imovinom, direktno ili posredstvom supsidijarnih društava u toku poslovne godine u obimu od 15% (petnaest odsto) do 33% (trideset i tri odsto) knjigovodstvene vrijednosti ukupno imovine dioničkog društva;
- nadzire upravu u provođenju preporuka datih od strane Odbora za reviziju te vanjskog revizora sa specificiranim rokovima;
- sistematski nadzor nad poslovanjem i zakonitošću poslovanja Društva;
- redovno izvještavanje skupštine Društva o svom radu;
- davanje instrukcija organima Društva radi otklanjanja nepravilnosti u radu;
- prisustvovanje sjednicama skupštine Društva i učešće u raspravi bez prava glasa;
- pregled poslovnih knjiga i dokumentacije Društva;
- drugi poslovi predviđeni zakonom.

OSTALE AKTIVNOSTI NADZORNOG ODBORA

Ostale aktivnosti Nadzornog odbora sastojale su se u zauzimanju stavova i pružanju podrške Upravi Društva u pogledu stalne potrebe za podizanjem kvaliteta u radu posebno kada je u pitanju proizvodnja vlastitog programa, s ciljem boljeg pozicioniranja na tržištu. Kroz kontinuiranu komunikaciju i saradnju sa Upravom, Nadzorni odbor je nastojao podsticati Upravu da kroz povećanje vlastitih prihoda putem marketinških aktivnosti smanji ovisnost preduzeća o budžetskim izdacima. Nadzorni odbor je bio aktivno uključen u praćenje situacije i iznalaženje rješenja u vezi sa tužbama radnika i presudama protiv JP RTV ZENICA, ali i u iznalaženje novih potencijalnih izvora finansiranja, posebno u saniranju posljedica koronavirusa.

DOPRINOS NADZORNOG ODBORA U OSTVARIVANJU POLITIKE JAVNOG SERVISA

U pogledu ostvarivanja politike preduzeća, doprinos Nadzornog odbora ogleda se u sljedećem:

- Osiguranje zakonitosti u poslovanju i radu JP RTV ZENICA d.o.o. Zenica;
- Nadzor nad sprovođenjem Trogodišnjeg plana rada i poslovanja i usvajanje Plana rada i poslovanja za tekuću godinu;
- Saradnja sa Upravom Društva u iznalaženju mogućnosti za jačanjem pozicije sva tri medija u sastavu JP RTV ZENICA d.o.o. Zenica i osposobljavanju za tržišnu utakmicu;
- Kontinuirana saradnja po pitanju iznalaženja mogućnosti prevazilaženja problema nastalih usljed pravosnažnih presuda nakon tužbi zaposlenika protiv JP RTV Zenica;
- Podrška i saradnja sa Upravom u smislu iznalaženja rješenja za adekvatan poslovni prostor na kojem bi bile smještene sve organizacione jedinice i službe JP RTV Zenica, a što bi značajno doprinijelo povećanju kvaliteta rada i poslovanju.

ZAKLJUČNA RAZMATRANJA

Pored aktivnosti na sjednicama Nadzornog odbora, predsjednik i članovi Nadzornog odbora bili su angažovani i na drugim aktivnostima važnim za poslovanje Društva, trudeći se da svojim znanjem i iskustvom doprinesu bržem i lakšem rješavanju pojedinih pitanja.

Saradnja Nadzornog odbora i Uprave Društva bila je kontinuirana i odvijala se bez smetnji, u cilju uspješnog funkcioniranja Društva.

Sve odluke Nadzornog odbora donesene su u skladu sa zakonskim i statutarnim ovlaštenjima i sve su realizovane u predviđenim vremenskim rokovima. Bitno je naglasiti i da su sve odluke Nadzornog odbora donesene jednoglasno i bez isticanja suprostavljanih stavova.

